

**Ang Diosnong Katungod sa Mga Dios-tawo
nga Moambit sa Pagkadios sa Dios**

Basahong Kasulatan: Juan 3:15; Rom. 8:14, 16, 23, 29-30;
2 Cor. 3:18; Efe. 1:4-5; 1 Juan 3:2

I. Makaamgo gyod unta ta nga, isip mga Dios-tawo duna tay diosnong katungod nga moambit sa pagkadios sa Dios, sa ato pa, moambit sa Dios—Juan 3:15; 2 Ped. 1:4:

- A. Ang unang lakang sa pagkahimong Dios-tawo mao nga gipanganak ta sa pneumaticong Cristo diha sa atong espiritu pinaagi sa Iyang diosnong kinabuhi ug kinaiya—Juan 3:6; 2 Ped. 1:4.
- B. Isip mga Dios-tawo, ang mga gipanganak sa Dios aron mahimong mga anak sa Dios, duna tay katungod nga moambit sa pagkamao sa Dios ug mahimo man nganing Dios sa kinabuhi, kinaiya, ug pagpadayag apan dili sa ranggo sa pagka-Dios—Juan 1:12-13; Rom. 8:16; 1 Juan 3:1.

II. Isip mga Dios-tawo, makaambit ta sa nagkalainlaing aspeto sa pagkadios sa Dios:

- A. Makaambit ta sa kinabuhi sa Dios—Efe. 4:18; Juan 1:4; 10:10; 11:25:
 - 1. Ang kinabuhi maoy sulod sa Dios ug pag-agay sa Dios; ang sulod sa Dios mao ang pagkamao Niya, ug ang pag-agay sa Dios mao ang pagpaambit sa Iyang Kaugalingon kanato ingon nga kinabuhi—Bug. 22:1.
 - 2. Diosnon ang kinabuhi sa Dios, dunay kinaiya sa Dios, ug walay kataposan, dili linalang, walay sinugdan ug kataposan, naanaa sa iyang kaugalingon, naa kanunay, ug walay pagkausab—Juan 3:15; 1 Juan 2:25; 5:13, 20.
 - 3. Dili malaglag, dili mabungkag, ug dili madunot ang walay kataposang kinabuhi sa Dios, ug kinabuhi sa pagkabanhaw kini nga niagi sa pagsulay sa kamatayon ug Hades, nidaog sa kamatayon, ug molamoy sa kamatayon—Heb. 7:16; Buh. 2:24; Bug. 1:18.
 - 4. Ang kinabuhi mao ang nahikay ug nahingpit nga Tulo-usang Dios nga gipaambit kanato ug nabuhi sa sulod nato—Rom. 8:6, 10-11.
- B. Makaambit ta sa kinaiya sa Dios—Efe. 1:4; 2 Ped. 1:4:
 - 1. Ang diosnong kinaiya mao ang pagkamao sa Dios, sa ato pa, ang mga bahing nag-umol sa pagkamao sa Dios.
 - 2. Balaan ang Dios; kinaiya Niya ang pagkabalaan, ug gipili ta Niya diha ni Cristo aron mabalaan ta, maingon nga balaan Siya—Efe. 1:4; 1 Ped. 1:15-16:
 - a. Ang mabalaan pag-ambit man sa balaang kinaiya sa Dios—Efe. 1:4.
 - b. Kay gipili man ta aron mabalaan, gibalaan ta sa Dios sa pagpaambit sa Iyang Kaugalingon, ang Balaan, sa atong pagkatawo aron masuropan ug matuhopan sa balaang kinaiya Niya ang tibuok natong pagkatawo—1 Ped. 1:15-16.
 - 3. Ang pagkaumalambit sa diosnong kinaiya sa Dios pagkaumalambit man sa mga elemento, sa mga sagol, sa pagkamao sa Dios—Efe. 3:8.
 - 4. Adlaw-adlaw moambit gyod ta sa kinaiya sa Dios ug magpahimulos sa mga bahing nag-umol sa Iyang pagkamao—2 Ped. 1:4.
- C. Kay nahimo na man tang mga Dios-tawo tungod sa pag-anak pag-usab, duna tay katungod nga moambit sa hunahuna sa Dios—1 Juan 2:27; Fil. 2:5; 1 Cor. 2:16:
 - 1. Naa ta sa Dios, ug naa tay mga elemento sa Dios; naa pa gihapon ang atong hunahuna, apan naa sab nato ang hunahuna sa Dios—Fil. 2:5.

2. Naglihok ngani ang dihog sa sulod nato, idihog niini ang Dios nganhi nato ug ipadayag ang hunahuna sa Dios kanato—1 Juan 2:27.
 3. Kon himoon natong hunahuna nato ang hunahuna ni Cristo, maanaa nato ang Iyang hunahuna—Fil. 2:5:
 - a. Dili lang nga naa nato ang kinabuhi ni Cristo kondili ang hunahuna sab ni Cristo—1 Cor. 2:16.
 - b. Suropan gyod ni Cristo ang atong hunahuna sugod sa atong espiritu, iusa ang atong hunahuna sa Iyang hunahuna—v. 16; Efe. 4:23.
- D. Dunay katungod ang mga Dios-tawo nga moambit sa pagkamao sa Dios—2 Cor. 3:18:
1. Ang gibasihan sa pagsulti nato niini mao ang pulong ni Pablo sa 2 Corinto 3:18 kalabot sa pagkatransporma nato pinaagi sa pagkamao mismo sa Dios.
 2. Ang pagpaambit sa dili matugkad nga kadato ni Cristo nganhi nato nagpasabot nga niambit ta dili lang sa kinabuhi, kinaiya, ug hunahuna sa Dios kondili sa pagkamao sab Niya—Efe. 3:8.
- E. Isip mga Dios-tawo, duna tay katungod nga moambit sa dagway sa Dios—2 Cor. 3:18:
1. Si Cristo ang dagway sa Dios, nga nagpadayag sa Iyang pagkamao—Col. 1:15; 2 Cor. 4:4.
 2. Matod pa sa 2 Corinto 3:18, “gitransporma [ta] ngadto sa mao ra nga dagway.”
 3. Ang matransporma ngadto sa mao ra nga dagway masama man sa dagway sa nabanhawng Cristo nga panganayng Anak sa Dios, aron himoong sama Niya—Rom. 8:29.
- F. Sa kapulihay, dad-on ta ngadto sa himaya sa Dios aron moambit sa Iyang himaya—Heb. 2:10:
1. Dios sa himaya ang Dios; ang himaya maoy pagpadayag sa Dios, ang Dios nga napadayag diha sa kasanag—Buh. 7:2; 1 Cor. 2:7; 2 Cor. 3:18; 4:6.
 2. Ang walay kataposang tumong sa Dios pagdala man sa daghang anak Niya ngadto sa himaya—Heb. 2:10.
 3. Nagpuyo ang malangkobon-sa-tanan nga Cristo sa sulod nato ingon nga paglaom sa himaya—Col. 1:27.
 4. Sa pagsud-ong ug pagpasumbalik nato sa himaya sa Ginoo, gitransporma ta ngadto sa dagway sa Ginoo gikan sa himaya ngadto sa himaya—2 Cor. 3:18.
- G. Ang usa pa ka aspeto sa diosnong katungod sa mga Dios-tawo mao ang pagambit sa pagkaanak sa Dios—Efe. 1:5; Rom. 8:23:
1. Sa wala pa matukod ang kalibotan—sa nilabayng eternidad—gitudlo na tang daan sa Dios ngadto sa pagkaanak—Efe. 1:5.
 2. Sa wala pa magsugod ang panahon, gitinguha ug gibut-an na sa Dios nga moambit ta sa Iyang pagkaanak—v. 5.
 3. Gidala ta sa katubsanan ni Cristo ngadto sa pagkaanak sa Dios, ug nadawat nato ang espiritu sa pagkaanak—ang gipanganak pag-usab nga tawhanong espiritu nato nga nasagol sa Espiritu sa Anak sa Dios—Gal. 4:6; Rom. 8:15.
- H. Ang katungod sa mga Dios-tawo nga moambit sa pagkadios sa Dios naglakip sa katungod nga moambit sa pagpadayag sa Dios—v. 19:
1. Kon madayag na si Cristo nga atong kinabuhi, ipadayag ta uban Niya diha sa himaya—Col. 3:4.
 2. Kon madayag na ang Dios, moambit nianang pagpadayaga kitang mga anak sa Dios—Rom. 8:19.
 3. Ipadayag ang Dios uban sa Iyang mga anak (Heb. 2:10), nga masama Niya

- sa kinabuhi, kinaiya, hunahuna, pagkamao, dagway, ug himaya (Rom. 8:19).
- I. Ang diosnong katungod sa mga Dios-tawo nga moambit sa pagkadios sa Dios naglakip sa katungod nga masama Niya—1 Juan 3:2:
 1. Niingon ang 1 Juan 3:2 nga, “Nasayod ta nga kon ipadayag na Siya, masama ta Niya kay makita man nato Siya ingon gyod sa Iyang pagkamao.”
 2. Sa madayag na si Cristo, madayag ang Tulo-usang Dios; sa makita nato Siya, makita nato ang Tulo-usang Dios; ug sa masama ta Niya, masama ta sa Tulo-usang Dios—v. 2:
 - a. Klaro kining nagpadayag nga masama ta Niya.
 - b. Dili lang nga moambit ta sa kinabuhi ug kinaiya sa Dios kondili masama sab Niya—Efe. 4:18; 2 Ped. 1:4; 1 Juan 3:2.
 - J. Sa kataposan, dunay diosnong katungod ang mga Dios-tawo nga mahimong Dios-tawo nga matang, ma-kaliwat sa Dios—Juan 1:12-13; Rom. 8:14, 16:
 1. Nahimong tawo ang Dios aron mosulod sa kaliwat sa tawo, ug nahimong Dios ang tawo sa kinabuhi ug kinaiya apan dili sa ranggo sa pagka-Dios aron mosulod sa ginsakpan sa diosnong kaliwat sa Dios—Juan 1:1, 12-14; 2 Ped. 1:4.
 2. Aron makasulod sa diosnong ginsakpan—sa ginsakpan sa diosnong kaliwat—ipanganak gyod ta sa Dios aron makabaton sa diosnong kinabuhi ug diosnong kinaiya—Juan 1:12-13; 3:3, 5-6, 15; 2 Ped. 1:4:
 - a. Gipanganak na ta pag-usab aron mahimong kaliwat sa Dios ug mahimong Dios-tawo nga matang—Juan 1:12-13.
 - b. Ang ikaduhang pagkahimugso nato, ang pag-anak pag-usab, maoy nakapasulod nato sa gingharian sa Dios aron mahimong kaliwat sa Dios—3:3, 5-6.
 - c. Naa sa diosnong ginsakpan sa diosnong matang ang tanang anak sa Dios—1:12-13; 3:3, 5.
 - d. Sa Ebanghelyo ni Juan makita nato ang daghang aspeto sa mga magtutuo nga nagkinabuhi sa ginsakpan sa diosnong kaliwat—1:16; 15:4a, 9, 11; 4:23-24; 14:2, 20, 23; 17:22-24.
 3. Bisan asa pa ta, hinumdoman gyod nato nga mga Dios-tawo ta nga dunay diosnong katungod nga moambit sa pagkadios sa Dios—Col. 3:4; Efe. 1:4-5; 2 Cor. 3:18; 2 Ped. 1:4.